



ՄԱՅՐ ԱԹՈՌՈՒՄ

Սեպտեմբերի 8-ին, կիրակի.—Մայր տաճարում ս. պատարագ է մատուցում տ. Մաւսիս արդ. Գալստյանը:

Ս. պատարագին ներկա է լինում Վեհափառ Հայրապետը:

Սեպտեմբերի 8-ին, ուրբաթ.—Այսօր առավոտյան Մայր Աթոռ է ժամանում տ. Արսեն վրդ. Բերբերյանը, որը վերջերս Լոնդոնում, Կինգս կոլեջում, պաշտպանել էր իր ավարտաճառը՝ գիտական կոչում ստանալու համար:

Նույն օրը, երեկոյան, Մայր Աթոռ են ժամանում տ. Արիս Ծ. վրդ. Ծիրվանյանը՝ Կալիֆոռնիայից, և տ. Արամայիս ավագ քին. Միրզայանը՝ Սիդնեյից:

Վեհափառ Հայրապետի բարեհաճ կարգադրությամբ տ. Արիս Ծ. վրդ. Ծիրվանյանը 1972—1978 ուսումնական տարում հոգևոր ձեռնարկում կդասավանդի մի շարք կրոնական առարկաներ և կվարի փոխ-տեսչի պաշտոնը:

Սեպտեմբերի 9-ին, շաբաթ.—Մայր տաճարում, Վեհափառ Հայրապետի հանդիսարությամբ, կատարվում է հոգեհանգստյան մասնավոր պաշտոն՝ Մուսալեռան հերոսամարտի 57-րդ տարեդարձի առիթով մեր նահատակների հիշատակին:

Այս առիթով հոգեշունչ քարոզ է խոսում Վեհափառ Հայրապետը՝ վեր հանելով հերոսամարտի պատմական նշանակությունը

մեր ազգային-ազատագրական պայքարի պատմության անմոռաց էջերում:


Հոգեհանգստյան պաշտոնին և հայրապետական քարոզին ներկա են լինում բազում մուսալեռցի ուխտավորներ սիյուտքից, հայրենիքի մուսալեռցիներ և հավատացյալների հոծ բազմություն:

Սեպտեմբերի 10-ին, կիրակի.—Մայր տաճարում ս. պատարագ է մատուցում և քարոզում Սիդնեյի հայոց հոգևոր հովիվ տ. Արամայիս ավագ քին. Միրզայանը:

Ս. պատարագից առաջ Վեհափառ Հայրապետը Վահարանում բարեհաճում է ընդունել Լիբանանից ժամանած ուխտավորների, ինչպես նաև հայրենաքնակ այնթապցիների մի մեծ խումբ:

Հանուն բոլոր այնթապցիների խոսք է առնում Բեյրութի Վահան Թեքեյան երկրորդական վարժարանի տնօրեն և «Նոր Այնթապ» պարբերաթերթի խմբագիր Նրվանդ Պապայանը, որը սրտագին շնորհակալություն և երախտագիտություն է հայտնում Վեհափառ Հայրապետին, որ միշտ հայրական ջերմությամբ և հոգատարությամբ է վերաբերվել այնթապցիների հայրենասիրական յուրաքանչյուր ձեռնարկին:

Այնուհետև պրն. Պապայանը ողջ այնթապցիության որդիական սիրո և հավատարմության զգացմունքներն է ներկայացնում Հայոց Հայրապետին և բարեմաղթություններ է անում Մայր Աթոռ ս. Էջմիածնի անասանության և Հայոց Հայրապետի կենաց արևշատության համար:



Նորին Սրբությունը խորապես հուզված հայրապետական իր քարձր գնահատությանն ու օրհնությանն է արժանացնում Այնթապի կենտրոնական վարչության և սիրտքի բոլոր կենտրոններում Այնթապի հայրենակցական միությունների աշխատանքը սրտաբուխ մաղթանքով, որ հաջողությամբ պակսվեն համայն այնթապցիների հայրենակներ ձեռնարկությունները, որպեսզի մոտ ապագայում իրականանա նրանց երազանքները:

Հայոց Հայրապետը թելադրում է, որ ողջ այնթապցիությունը իր սրտագին մասնակցությունը քերի մայր հայրենիքի շինությանն սրբազան աշխատանքներին, որպես հարազատ զավակները Մայր Աթոռ ու Էջմիածնի: Վերջում Հայոց Հայրապետը սրտագին քարենմալթում է, որ վերածնված Մայր Հայաստանի կենսատու արևի տակ անի և ծաղկի Նոր Այնթապը:

Բոլոր ներկաները երկյուղած քարեպաշտությամբ և աջահամբույրով ստանում են Հայոց Հայրապետի օրհնությունը:

Մի փոքր անց Վեհափառ Հայրապետը ընդունում է այցելությունը ամերիկահայ ուխտավորական մեծ խմբերի, որոնք եկել էին աղոթելու ու Էջմիածնի խորանների առաջ և համբուրելու հայրենի հողը:

Ազգիս Վեհափառ Հայրապետը հայրական գուրգուրանքով և սիրով զրույց է ունենում իր ուխտավոր զավակների հետ, հետաքրքրվում նրանց կյանքով և ապա օրհնում բոլոր ուխտավորներին, որոնք ուրախության և հպարտության արտաձայնությամբ աչքերով ստանում են աջահամբույրով Նորին Ս. Օծության օրհնությունը և ուշադրությամբ լսում Նրա հայրապետական պատգամը:

Ժամը 12-ին Վեհափառ Հայրապետը, շրջապատված ուխտավորական հոծ քաղմությամբ, զանգերի զվարթ ղողանջի ներքո առաջնորդվում է Մայր տաճար՝ ներկա լինելու ու պատարագին:

Հավարտ ու պատարագի, Վեհափառ Հայրապետի հանդիսադրությամբ, կատարվում է հոգեհանգստյան մասնավոր արարողություն՝ ի հիշատակ Այնթապի հերոսամարտի մահատակների և «համօրէն մահատակաց ազգիս հայոց»:

Վեհափառ Հայրապետն իր հայրենաշունչ քարոզի մեջ ոգեկոչում է հիշատակը մեր բոլոր մահատակների և ի մասնավոր՝ Այնթապի հերոսամարտի մահատակների, որոնք ընկան «վասն Յիսուսի և վասն հայրենեաց» ազգային-ազատագրական պայքարում:

Սեպտեմբերի 12-ին, երեքշաբթի.—Այսօր, երեկոյան ժամը 19-ին, Վեհափառնում, Հայոց Հայրապետի մայրապատկար, տեղի է ունենում Գերագույն հոգևոր խորհրդի ներթախանքով:

Սեպտեմբերի 18-ին, չորեքշաբթի.—Այսօր Վեհափառ Հայրապետից հրաժեշտ առնելով Փարիզ մեկնեց Փարիզի կաթոլիկական ինստիտուտի արևելյան հին լեզուների ֆակուլտետի պատվավոր մայրապատկար հայր Օարլ Մերսին, որը Հայոց Հայրապետի հրավերով շուրջ երկու շաբաթ գտնվում էր Մայր Աթոռում և Հայաստանում:

Սեպտեմբերի 17-ին, կիրակի.—Խաչվերաց.

Մայր տաճարում ու պատարագ է մատուցում տ. Արիս Ժ. վրդ. Ծիրվանյանը և քարոզում «Այլ ինձ քալից լիցի պարծել, բայց միայն ի խաչն Տեառն մերոյ Յիսուսի Քրիստոսի» (Գաղտ. Զ 14) բնաբանով:

Ս. պատարագին ներկա էր Վեհափառ Հայրապետը:

Երեկոյան ժամը 17-ին, Վեհափառ Հայրապետի հանդիսադրությամբ, կատարվում է «թափօր խաչվերացի»:

Սեպտեմբերի 18-ին, երկուշաբթի.—Յիշատակ մեռելոց.

Մայր տաճարում ու պատարագ է մատուցում տ. Խորեն վրդ. Էլչունյանը:

Հավարտ ու պատարագի կատարվում է հոգեհանգստի «վասն համօրէն մեռելոց»:

Սեպտեմբերի 24-ին, կիրակի.—Մայր տաճարում ու պատարագ է մատուցում տ. Հակոբ քհն. Հակոբյանը:

Հավարտ ու պատարագի, Վեհափառ Հայրապետի հանդիսադրությամբ, կատարվում է հոգեհանգստյան մասնավոր պաշտոն՝ ի հիշատակ Ուրֆայի հերոսամարտի հայ մահատակների:

Այս առթիվ հոգեշունչ քարոզ է խոսում Վեհափառ Հայրապետը՝ ոգեկոչելով անմոռաց հիշատակը Ուրֆայի հերոսամարտի մահատակների: